

Число 8.

Ужгород, 15. апрѣля 1923.

Роčник III.

БЛАГОВѢСТИНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходит двараз в мѣсяцъ
каждого 1-го и 15-го.

АДРЕС:
редакції и експедиції:
REDAKCIJA „BLAHOVISTNIK“
Užhorod, Kapitulska, 3.

ПРЕДПЛАТА:
на рок 12.— К
одно число 60 К
За границу 20 — К
До Америки..... 1 Д)

ОБЯВЛЕНИЯ
принимаются по цѣнѣ
за 1 сторону .. 100 К
за 1/2 сторону .. 50 К
за 1/4 сторону .. 25 К

Свято Духновича.

Дня 24. апр. 1923. р. празднує наша Подкарпатска Русь
память 120 роціх уродин найбільшого поета нашого Александра Духновича. Ко сему святу радо приключається і
наш „Благовѣстник“, як орган чисто духовної літератури.

І мы празднуем з празднующими, ибо Духнович в своей
поезії, в своих учебниках и молитвенниках представляет нам
сами тоты идеї, для которых и мы працуем.

Духнович быв не лиш щирым сыном своего народа, не
лиш ревным патріотом и будителем подкарпатских Русинов, но
не менше вѣрным роботником и своеї греко-каїоличної церкви. И не лиш сам быв одушевленым гр. каї. священиком,
но то хотѣв, чтобы и его „народ любимый“ остався всегда побожным, ибо от христіянско-каїоличної цивилизації чекав
лучшу будучность русинов.

Его верши выражают его здоровый, непритвореный „страх Господень“ перед „сильным Творцем“ и его непоколебиму надію на помоч Бога, на „побѣду через Бога“.

И так брат мой, коль нападе
На тебе лиха бѣда,
Не отчаяй, то пропаде
У Бога есть побѣда!

(Надежда в Бога).

Его Азбука (книжиця читальная для начинающих), в которой
шо первых выробив всѣ молитвы и напоминанія для дѣтей, е
личином его отцевскої любви ко руским дѣточкам и указуе и
то, шо кристио, як легко заскѣпляв он зерна побожности у не-
мнину душу малых учеников.

„Прійди о небесный царю,
И даруй нам твою ласку,
Розум и мысль просвѣти,
Сердце ласков наполни!“

(Молитва перед наукой).

Подлость и злъ наслѣдки дѣтинячих провин представляє ясными, наглядуючими словами, котръ способнѣ глубоко впливати на молоденькъ сердця. На пр.:

„Кто на Бога грѣшить, лае,
Камънь на небо метае,
Котрый паде на землю,
Провалить му голову“. (Клятва).

Любов до роботы, охоту ко взаимной помочи, глубокое уваженіе супротив родичов и старших находять во его азбучных вершах яснѣ, подходячѣ выразы. На пр.:

„Не ганьба то працовати,
Землю орати, копати,
Но есть ганьба, стыд лежати,
Лем от других вшитко ждати“.

Або

„Знай дѣтино честовати
Родителей: отца, матери,
И старшого все служай,
Чести каждому отдай!“

В таком самом побожном дусѣ написана и его „Народна педагогія“ (1857), в предисловіи котроѣ каже :

„Дай сыну твоему... добрый нрав, дай ему науку, способность, трудолюбіе, доброе сердце, любов ко Богу и ближнему... и уже дал еси ему богатство“.

Найвиднѣйшим знаком его глубокѣ побожности быв его молитвенник: „Хлѣб души“. Духнович зная, что щира побожность корени свои мае в сердцю, в почуванях наших и для того хотѣв, чтобы вѣрники не лиш ротом прословляли слова церковных обрядов и молитв, но чтобы порозумѣли и перечувствовали значеніе тых слов. Для того и приспособив стиль молитв ко народному языку, так что из его молитвенника и теперь дуже мило читае и молиться наш народ.

То самое хотѣв и в „Литургическом катехизѣ“ в котором популярно толкуе наш обряд, устройство церкви, св. Литургію и прочѣ церковнѣ отправы, при чем указуе и на по-

еднѣ краснѣ специальности, звичаї нашї, як благословеніе приносов, поклоны, благословеніе дѣвиць и пр.

Его заповѣт кличе нас ко народному воскресеню и средством ко тому ведучим уважає „ласку Всешишняго“, глубоку релігійность, щиро христіянску цивилизацію.

И себе не раз вручав Створителю,

„И духом сердцем смиренным
Силу Его повѣдав“.

А. В.

Где глядати правду?

„Святое православіе“.

Что ся стало в церквѣ?

(Продовжене).

Года 1907. на праздник св. славных всехвальных апостолов и первопрестолников Петра и Павла пошов я до церкви на службу Божу. Иде служба за рядом, коли священик приходить до читаня св. Евангелія и читає:

„Пришедъ же Іисусъ въ страны Кесаріи Філіпповы, во-
прошаše Оученики свој, глагола: Кого ма глаголютъ че-
ловѣкы быти, Сына человѣческого? Они же рѣша: Окы оубо
Іоанна Крестителя, ини же Іллю; дрѹзіи же Іеремію, или єди-
наго отъ пророкъ. Глагола имъ Іисусъ: вы же кого ма гла-
голете быти? Отвѣщавъ же Симонъ Петръ, рече: Ты еси
Христосъ, Сынъ Бога живаго. И отвѣщавъ Іисусъ рече ємъ:
Блаженъ еси Симоне варъ Іоанна, яко плоть и кровь не га-
тихъ, но Отецъ мой иже на небесѣхъ. И азъ же тебѣ глаголю,
яко ты еси Петръ и на семъ камени созиждъ церковь
мою и врата адова не одолѣють ей. И дамъ ти ключи
царства небеснаго; и єже аще сважеши на земли будетъ сва-
зано на небесѣхъ и єже аще разрѣшиши на земли, будетъ раз-
рѣшено на небесѣхъ“. (Мо. 16, 13..).

Подчас читаня Евангелія чтось перебѣгло сердце мое як
огнена копія, сердце здрогло ся, якбы из мѣста хотѣло выско-
чити, студенѣ мерекуты пошли горѣ цѣлым тѣлом от ног
иж до волося, из очей буйнѣ и густѣ капли слез рушилися и
дірьмо я сперався, жаль аж гол/сним гиканьом выбухнуе
из мене.

Проповѣди менѣ уже не треба было; начто коли я видѣв живого Іисуса и всѣх апостолов и як перед ними передав найвищу церковну власть, ключи царства небесного одному, св. апостолу Петрови. На проповѣдника св. Евангелія из ганьбы не смѣв ем дивитися, лиш на землю, бо вповнѣ чув ем як далеко я до теперъ заблудив от правдивого ученія св. Евангелія. Свѣдком сего были нянько, с ким я у церкви все вѣдно стояв.

Что сталося по службѣ Божой?

Як пришов дому, углядав книжочку, зборник низких брѣхень и никому нич не кажучи — акурат варився обѣд — трутыв брѣхнѣ у майвеликї огень и еще имѣв за дверцѣ обы нянько, або кто иштій нагле не выхватив. Тепер быв поклав я на ню дорогѣ таблицѣ! Нянько лиш звѣдовав:

- Чось там вер?
- Фотіову и Керуларіову правду, чтобы у дым ишла за ними — кажу.
- Зачто? Звѣдае нянько.

— Та не чулисте в нынѣшном Евангеліи, кому передав Іисус власть и управительство в своей христіанской Церкви?

По обѣдѣ пошлов я и перепросив отца духовного и признав ем перед ним, что дѣйсно тата книжочка писана діяволскими руками и что правду и нашое спасеніе не у фотіянской вѣрѣ, но в св. Евангеліи и в Христовой православно-каѳолицкой Церкви треба глядати. От того часу так я, як и мой нянько сей истинной Церкви повинуемся, и не лиш за Христа и за св. Евангеліе ай за св. Петра, верховного апостола и его наслѣдников, римских отцов мы все радше готовѣ пріяти будь якѣ безчести, кривды, шкоды, терпѣнія, павѣть и смерть, як от православной гр.-каѳолической вѣры отлучитися.

На сесѣ терпѣнія нам не требало довго чекати. Коли раз нянько хворый от доктора (лѣкаря) вернувся дому, еден „боголюбивый“ шизматик, котрого Фотій поставил за контролора, кто яку вѣру держить и перед очима 200—300 особ ударив нянька близко 20—30 раз по головѣ из одного и из другого боку и на мене шизматицкїй суд выповѣв смерть. Но хвала Богу из того до теперъ еще лиш то исповнилося, что выбили вызоры на хижѣ нашей и розширировали о мнѣ всяку безчесть

и клевету, куды лиш язык досѣгать. И кто бы не знат, что язык брехней май далеко посяgne, як язык правды.

Покута и удовлетвореніе.

Не забыв и через мене отступившого нашего крилосника Брензій Петра, змагався его переговорити назад, но май писемный быв от мене и не давався. Сесь грѣх за его отступленіе признавав я за свой и обернув я ся со просьбами ид Богу, чтобы ми простив сего грѣха и навернув и сего, як и мене назад на стару православну и родиму вѣру а дале без моеї вини може ити куды хоче.

Больше як у год Дух святий вселився и в его сердце, пошов до отца духовного, перепросив его за безчести, которых на него переже клав. Якѣ безчести? Яких и теперь часто чути от всѣх шизматиков. Сесь чоловѣк такій „твердый“ быв в шизмѣ, что сам собѣ и воду и пасху святив. А як просвѣтив 'го Дух святий отрекся от Иязн, у нас высповѣдався и мѣсто свое знов шийшов в клиросѣ нашей церкви. У короткій час, як Христов истинный и вѣрный сын передав душу свою Соторителю. Коли я дочувся, от радости аж заплакав и щирою молитвою благодарив Бога за приятіе моих просьб.

По заботився я и о том, чтобы корѣнь шизмы не зостав в моїй фамилії, чтобы зерно засѣяное книжочкою в шанцу най-што не походило и не принесло такѣ плоды, яких видиме у шийших шизматиков, зато часто научав я моѣ дѣти ож де гидти правду. Звѣдаю их:

Сколько есть христіянских вѣр?

Много — отвѣчають дѣти.

А котра из них правдива Христова?

Правдива вѣра есть православно-каѳолическа, которую исповѣдует Христос и котрою управляют наслѣдники св. апостола Петра без огляду на то, якѣ обряды (церковнѣ отправы) звычай шиши и т. д. находяться в ней.


Что треба знати о шизматицкой вѣрѣ?

Они не с от Христа, но от гордого и честолюбивого константинопольского патріарха Фотії. До Фотія и западнѣ и востоки христіане одну вѣру исповѣдали и жили под управлением римского отца и только в обрядѣ была меже ними рож-

шица ; западня по латински и западным обрядом — а восточнѣ по грецки и восточным обрядом умоляли и прославляли Бога. Една была у обоих вѣра и послушенство к наслѣдникам св. Петра, к римским отцам, из которых восточнѣ, навѣть и самъ шизматики не одного святым почитаютъ, як св. Льва Вел., св. Григорія Двоеслова, св. Сильвестра и еще премногих. Фотій а потом Керуларій были тоты, котрѣ розорвали единство Церкви, ногами топтаючи святое намѣреніе Христа : „Да вѣдуть вси єдино“ . (Іо. 17, 21.) и оторвали цѣлый Восток от католической православной Церкви. Се было 1054-го року под Керуларіом. До сего часу, также больше як за тысячу роков одна была вѣра и восточнѣ с западными в соединеніи жили.

Мы русины за якійсь час не пошли в шизму . (раздор, розкол), но зосталисьме в единствѣ с римским престолом, но часом, коли из Константинополя все больш и болып священиков приходило до нас, они помало звели нас на шизматицку вѣру, так, что убогій народ и не утямив, что уже не в Христовой Церкви а в фотіянской вѣрѣ находиться. Но часом наш народ пробудився ; народ, его священики и епископы познали других народов, почали читати исторію церковну и досвѣдчилися о том, что за 1054 роков одна христіанска вѣра была, котру на Востоцѣ называли православною, на Западѣ по гречески : каєоли-ческою (котра назва находиться и в наших и в шизматицких церковных книгах) и увидѣли, что Фотій и Керуларій як розорвали ото единство, за которое Христос так горячо молився на тайной вечерѣ (Іо. 17, 21) и почали раздумоватися : Ци не можеме мы знов такими быти, якъсме были до 1054-го року, якъ были нашѣ предки св. Василій Вел., св. Іоан Золотоустный, св. Аѳаназій и прочѣ ? Ци не милое было бы и перед Богом, если бы мы оставили путь розкола — шизмы и стали бы на соединеніе — с нашими западными братями, котрѣ лиш в том розлучаются от нас, что иншакѣ обряды церковнѣ мають ? Которое дѣло милшое перед Богом: прилѣплятися до шизмы — розкола Фотія, ци до апостольского престола св. Петра, кому сам Христос казав : „Ты єси Петро (скала) и на се мъ камени созиждѫ Церквъ мою“ (Мѳ. 16,18.19) и еще раз : „Паси агнцы мої, паси Овци мої“ (Іо. 21,17 . . .) ?! И тогды почалися переговоры с римскими отцами, скликанѣ были собранія и так одна переважна часть Русинов и Румунов соединилася знов с рим-

ским престолом, подержали свой давний грецкій обряд и стали такими, якъ были их преемники до 1054-го року. Се случилося у XVI-ом и XVII-ом столѣтію перед 300—400 роками (Подкарпатскѣ русины в 1649 года) и что готовиться теперь в цѣлой Россіи на чолѣ с патріархом Московским, Тихоном? Се есть т. зв. церковное соединеніе, что по латински называется: уніо, из того пак слово унія = соединеніе. Через соединеніе = унію мы стали тыми, якими были всѣ восточнѣ христіяне до 1054-го року, якъ были восточнѣ св. Отцы и через сіе соединеніе оставили мы путь розкола и блуда Фотія. Думаеме, что се было и есть перед Богом дуже милое и спасительное дѣло. Се така проста и явна рѣч, что кажда дѣтина легко порозумѣє. От позерайме сей рисунок:



Як сей рисунок указує, мы идеме простою дорогою наченше от Христа и лиш за якийсь час были сме без нашей вины в блудѣ. Но Господь Бог просвѣтив нас, и тепер через св. унію — соединеніе там есме, где были св. апостолы, св. отцы и всѣ христіяне больше як за 1000 роков от Христа.

Стойте твердо в вѣрѣ!

Бог святий позволив, чтобы діявол знов розсъяв зерно блуда и розкола меже нами Русинами. Сеся нынѣшня страшна борьба религійна есть карою Божою за недбалость наших попедных пастырей, котрѣ пропускали достаточно просвѣщати народ и потолковати им, что то унія — соединеніе и что то

шизма — розкол. А для нас, котрѣ от рождества жиєме в правдивої вѣрѣ, но еѣ не цѣнили и не познавали добрѣ, есть наукою, что бы мы еѣ лѣпше познали и лѣпше полюбили. И я сам, — як бы сей религійной борьбы не было — нигда не быв бы в истинной вѣрѣ Христової так утвержден, як тепер. И хоть як мало е нас теперь в гдекотром селѣ, я однак дуже тѣшуся, бо знаю, что котрѣ зостали, суть твердыми, непоколебимыми исповѣдниками правдивої правосл.-каѳолическої вѣры, а что отпадли были червѣвцѣ, як коли и такѣ яблока спадуть от живого дерева. Не бойтесь милѣ братя и сестры, Христос с нами и коли вам за истинну православну-каѳолическу вѣру треба терпѣти, думайте на слова Спасителя:

„Блаженны єсте, єгда поносатъ камъ, и ижденчтъ и речутъ всакъ золъ глаголъ, на вы лжѹще мене ради. Радйтесь и веселитесь, яко мѣда каша многа на небескѣхъ“. (Мо. 5. 11.)

И як бы приходили и до вас изводителѣ переписати на фотіянское православіе, и як бы грозили вам смертю, — як менѣ уже не раз грозили — не продайте душу вашу діяволу, не бойтесь смерти, бо як Хр. казав: **Не бойте сѧ отъ убивающихъ тѣло, душа же не могущихъ убити.** (Мо. 10. 28.)

Бо не е милѣйшої смерти, як умерти за Христову вѣру...

Но доки жиєме, не станемѣ зрадниками вѣры Христової не станеме Юдами нашої православної-каѳолическої вѣры... Бо як Христос казав: „**Иже отвергнется мене предъ человѣки, отвергнется и язъ предъ Отцемъ моимъ, иже на небескѣхъ.**“ (Мо. 10. 33.)

Бо лѣпше жити в постоянных переслѣдованіях и терпѣніях за вѣру, як умерти в грѣсѣ вѣроломства и достатися в вѣчну погибель...

Читайте здоровѣ и стойте крѣпко в вѣрѣ!

Михаил Гелебан,
твърдый православный гр.-каѳолик а не шизматик.

ТРАКТИЧНЫЙ КАТЕХИЗ

„Без вѣры не мож угодити Богу“.

1. Ци потребно есть христіянам ко спасению вѣровати?

Есть потребно, ибо без вѣры не возможно угодити Богу.

2. Сколько есть вѣр?

Едина есть лип правдива вѣра, и то вѣра христіянска православно-каѳолическа.

1. Вже и Цицерон (римскій писатель) казав, что нич инше так сильно не поддержує общество, як вѣра. А еден другій рим-

скій мудрець, Сенека, казав: „Кто утратив вѣру свою, тот вже не має чо дальше утратити“.

В Лондонѣ сталося, что една дѣвушка по имени Марія Майлард еще в 13. мѣсяцѣ житя вывѣхнула собѣ ногу и понеже никто тоту хибу ненаправив, так и выросла и лиш так знала ходити, что и рукою помагала собѣ. Была она дуже побожна и радо ходила до церкви. Коли раз из церкви лѣзла до дому, дѣти высмѣвали сѣ и она зато горько заплакала. Дома попало ей до рук Св. Письмо, и из сего вычитала слова о спасительной силѣ вѣры. И она загойкала, что она вѣрюе, что Бог змилюється над нею. И ледва выповѣла сіи слова, нога еї чудесно направилася, сталася довжшою и она дальше вже не хромала, но правильно ходила.

Коли един місіонарь (Іван Нейвен) в Японіи проповѣдав вѣру Христову, цѣсарь призвав его ид собѣ, казав му:

— Скажи менѣ, ци вѣруеш ты все то, что проповѣдуеш. Я так позвѣдав наших (поганских) попов и они признали, что не вѣруютъ все.

На се одповѣв місіонарь:

— Я из Франції прійшов сюда. Позерай на земной кулѣ, як то далеко е. Я лишив дома своих родичов, братов и знакомых. На дорозѣ выставився многим великим опасностям и прійшов сюда, где може лиш скора смерть чекає мя. Можеш подумати, что лиш из глубокого убѣженія мог я оббератися на сіе. От кого могу чекати нагороды? лиш от Бога, для славы котрого и для спасенія душ проповѣдаю Его вѣру“.

Колько исповѣдников и мучеников погибло за св. вѣру Христову, за котру и сам Спаситель помер на крестѣ!

2. Св. Атаназій казав. „Лиш христіянско-католическа вѣра спасе нас. Кто не прилѣпляєся ко сей вѣрѣ, не може быти спасен“.

Св. Евсевій же выражився так: Вѣра христіянско-католическа то свѣтло души, ворота жизни, основа спасенія...“.

Из св. Письма нераз чуеме, что кто крѣпку вѣру має, на слова его и гора двигнєся. Учувши то един царь в Вавилонѣ, требовав от христіянов, чтобы зробили сіе чудо, а если то им не удастся, тогда або отрекутъся от вѣры христіянскоѣ, або на смерть будуть осужденї. Христіяне собралися около епископа своего, молилися и радили, что мають робити. Нараз ангел Божій явився межи ними и приказав епископови, чтобы чудо сіе зробив через вѣрника Аніяна, бывшого ученика евангелиста Марка. Поэтому цѣла христіянска община за три дни постила и тогда выйшла ид горѣ. Там Аніян розказав горѣ, чтобы лишила свое мѣсто и перенеслася туда, куда желав царь. И нараз гора двигнулася и так скоро перейшла на назначенное мѣсто, як бы быв сильный вѣтер пересунув еї. На то царь з цѣлым

народом своим приняли христіянську вѣру и на честь Пр. Дѣви дали збудовати красну церков.

Св. Геленій спорив з едним геретиком (шизматиком), ожчія вѣра е правдива, на конець рѣтили, что стануть у огонь и котрый выйде непошкоджено из огня, того вѣра мае быти правдива. Св. Геленій первый раз ступив до огня и невредимо выйшов из нього. Геретик тогды вже не смѣв ступити до огня, но сами вѣрники вергли го туда, и там страшно попалився, лиш св. Геленій выратовав его оттуда.

Св. Василь Вел. смѣло обороняв вѣру христіянско-каєлическу против геретиков-аріянов. За то цѣсарь Валенс дав го в темницю заперти. Но вже другоѣ ночи тяжко похворѣвся сын цѣсаря и тогда на просьбу цѣсаревоѣ попросив св. Василія Великого, чтобы вылѣчив сына. Св. Василій пообѣцяв, если цѣсарь обязуєся, что сына в каєлической вѣрѣ дастъ воспитати. Цѣсарь пристав на то и тогда на молитву св. Василія сын скоро выздоровѣвся. Но цѣсарь не додержав слова и в ереси выховав сына своего. На то сын опят захворѣвся и нагло помер. Тогда цѣсарь рѣшив прогнati святого из края и коли хотѣв подпи-
сати на то розказ, четыре пера переломилися в руцѣ его и коли и потом хотѣв подпись докончiti, так страшно начала рука его трястися, что роздерла папѣрь. На то помиловав святому.

Меланхтон, наслѣдователь Лутера на вопрос матери своеї, ци мае и она выступити из христіянско-каєлическоѣ вѣры, од-
повѣв, что жити легше в новой вѣрѣ, но умерати лѣпше в хри-
стіянско-каєлической вѣрѣ. И так мати его и осталася кає-
личкою.

Кто одпав от единоѣ истинноѣ вѣры, най молиться тепло о просвѣщеніe и ласку, чтобы мог вернути назад у лоно спасительноѣ Церкви.

А кто находится в своей правдиво христіянско-каєлической вѣрѣ, най молиться ко Богу за тых несчастных, котрѣ легкомысленно выступили из своеї прадѣдної Церкви, чтобы достали ласку упознаня правды.

Боже отпусти одпавшим от единоѣ спасительної Церкви Христової, ибо не знаютъ, что роблять.

B.

Миссійна подорожъ Преосвященнаго Владыки пряшевскаго Діонизія по долинѣ Межилаборца.

Необыкновенно радостна новина розширилася въ мѣсяцѣ мартѣ на лаборецкой долинѣ. Пряшевскій Преосвящ. Владыка намѣрявъ ту прїйти, чтобы и тутешныхъ своихъ дѣтей наци-
вити и утвердити въ св. вѣрѣ.

Ведля программы опредѣлено было, же 21. марта нащивитъ Пр. Владыка едно изъ найбольшихъ сель лаборецкихъ: Габур у. Заклопотали сердца, започалися рады, якъ бы привити найдостойнѣйше своего Владыку?

На 21-го марта по полудни о 3. годинѣ пришовъ Преосв. Владыка на хотаръ Габурскій, где приготованнѣ бандеристы на красныхъ коняхъ очѣковали Архипастыря. Погода прекрасна, весенное солнце правѣ отъ днесъ ужъ теплѣйше гріе, якъ бы знало, кто буде днесъ подъ старыми Бескидами. Цвѣточки такожъ повыпыхали свои рябѣ головки, чтобы подивитися, якъ прекрасно привитають сынове Бескидскихъ горъ своего Владыку.

Приходитъ повозъ съ Владыкою и прекрасна бандерія пуститься предъ Владыкою, чтобы запровадити Его въ село. Рокощо выгравае на передѣ бандерія, составлена изъ 14. чистыхъ бѣлыхъ коней, — за пими другіѣ 14., самыхъ чорныхъ якъ „галки“, — а наконецъ червенѣ конѣ, а всѣ богато поперебраннѣ, всѣ розкошнѣ!

Приходятъ въ село... Красно, торжественно...

Добрѣ наши селяне еще никогда не видѣли такій мальованый образъ, якій ту развивается передъ ихъ очами. Въ самый вышній екстасисъ двигается народъ, коли великій звонъ церкви задзвонитъ, коли бандеристы приходятъ, а передъ брамою раздвоятся, нознимаютъ шапки и громкимъ голосомъ поздравляють приближающагося Архиєрея: „Да живетъ нашъ Преосв. Владыка“. Передъ Владыку ступить теперь честный газда, староста Димитрій Тарча, и сердечными словами привѣтствує великого гостя въ своемъ селѣ.

Коли же приходятъ въ церковь, о. Іоаннъ Ставровскій въ имени своихъ вѣрниковъ привѣтствує дорогого Владыку, который къ своему стаду приходитъ днесъ, чтобы удѣлити ему свое архипастырское благословеніе и укрѣпiti его въ св. вѣрѣ, словами своими поучити его, котрѣ слова незабываемѣ будуть и 'отпровадятъ вѣрующихъ къ Тому, который такъ говоритъ о собѣ: „азъ емъ путь, истинна и животъ“.

По сердечныхъ словахъ отца приходника торжественно заспівае хоръ дѣвшокъ: „вошелъ еси архиєрею...“ и Владыка входить въ храмъ Божій, на колѣна упадае предъ Святѣшимъ и молится...

По молитвѣ подякуе всѣмъ за сердечное привитаніе, указує на туту тѣсну связь, котра межи вѣрниками и межи архипастыремъ находится и котру самъ Г. Богъ завязавъ и такой призывае вѣрниковъ къ св. сповѣди. И зачинає сповѣданіе, котре до темного вечера держить.

На другій день (22. III.) отъ 6-ої години ужъ сповѣдае Владыка, о 9-ої годинѣ литургизуетъ и 25 дѣтей причащае,

котрѣ теперь первый разъ приходятъ до св. причащенія. Всѣ съ горячою любовію приходятъ воспріятии Іи. Христа и то изъ рукъ Преосв. Владыки, который съ прекрасными словами обертается къ дѣтямъ, напоминающи ихъ, чтобы николи не забыли на тотъ день, когда Іи. Христосъ — благословивши даколи дѣтей — теперь и къ нимъ приходитъ, чтобы у нихъ, въ ихъ невинныхъ сердцахъ пребывавъ. И наистѣ, николи незабываемый будетъ имъ сей день, памятати будутъ на него и родичѣ, котрѣ съ великою радостю призиралися на свои дѣти, котрѣ въ невиннѣ свои сердца первый разъ воспріяли Іи. Христа.

По полудни дальше продолжается душеспасительна робота: вѣрники толпами приходятъ къ источнику благодати Божої.

Поздній вечеръ бывъ уже, коли Преосв. Владыка представъ сповѣдати.

На 23-го рано уже въ церквѣ видять вѣрники Его Преосвященство, чекає грѣшниковъ, чтобы помирити ихъ съ Богомъ. До 10-ой годины держить сповѣданіе.

Теперь Преосв. Владыка облекается въ архиерейскѣ одежды и благословивше народъ зачинає торжественну литургію преждеосвященныхъ даровъ. Въ полной красотѣ представляется намъ ту велелѣпный восточный обрядъ, забуде человѣкъ, же е на земли и душевно переселится въ другосвѣтнѣ предѣлы, двигается въ высокѣ сферы, зажадає тамъ въ небесный храмъ, гдѣбы могъ непрестанно величати, прославляти Божого Агнца и споитися съ Нимъ на безконечнѣ вѣки...

По св. Литургіи обертается Владыка къ вѣрникамъ. Проговорить къ нимъ спасительнѣ слова: людіе спасайтє свои души, храньтесь отъ наибольшого зла, отъ грѣха, бо справедливый Судія всегда каравъ и карати буде за грѣхи. По сему Преосв. Владыка еще разъ подякує всѣмъ за сердечное привитаніе, зажелає имъ, чтобы успешно розвивалися и чимъ скорше воздвигнулися на степень другихъ народовъ, и от прощаетсѧ отъ нихъ, чтобы по полудни дале ити и нащивити и другъ свои дѣти, котрѣ въ Чертижномъ чекаютъ Его.

По полудни нащививъ Преосв. Владюка еще и школу, где съ радостю чувъ точнѣ отвѣты учениковъ на всѣ вопросы и дуже тѣшився красному успѣху.

З годины было, коли Его Преосвященство сѣвъ на повозъ, чтобы отѣхати въ сусѣдное Чертижно. Знова позбиралися габурскѣ бандеристы, чтобы отпровадити любимого Архипастыря, который уже на першій заводъ совсѣмъ завладѣвъ надъ сердцами вѣрниковъ.

Повозъ тягнеться къ Чертижному! Бѣлѣ конѣ на передѣ, за ними чорнѣ, а пакъ червенѣ, всѣ прекрасно прибранѣ, а еще лучше тѣ, котрѣ на нихъ сидять!

Ту призрися свѣте, вы невѣрнѣ, такій то народъ быває ту подъ Бескидами. Вѣра у него тверда, якъ и самъ народъ!...

Отишовъ уже Владыка, но оставилъ за собою живу вѣру въ сердцахъ! А народъ довго буде памятати на тоты дни, котрѣ такъ прекраснѣ были.

Борьба за церковь.

В Торуни (ж. Марамарош) 24-го марта чтось незвычайное дѣло ся стало. Еден безконфесійный панчук по имени Ладислав Бартуньек, чех, урядник в главнослужном урядѣ вышлов з Волового и начав там переговоры вести межи гр.-каѳоликами и шизматиками о церкви. По полудню учинив он еден соломоновий суд и всѣ гр.-каѳ. церковнѣ маєтки (движимѣ и недвижимѣ) перебрав на державу и запустив до наших 2 церквей и 2 каплиц шизматиков. Наши читатель ѿже доста познакомленѣ суть с „православными“ способами. Я за них говорити и не хочу, но не могу лишити без слова справованіе наших гр.-каѳоликов. Видѣлисте перед собою 20 жандаров, из многих казок, которыми вас шизматики страшили сами не зналисте, что за правду пріймати, видѣлисте одного острого панчука „безконфесійного“, звѣдали вас всяко, же ци не пишется до православных, од рана до вечера без хлѣба стоялисте на улицѣ и еднакож вашу истину гр.-каѳолическу вѣру не перемогли! Видѣв я Вас якійсѧ блѣдѣ, перестрашенѣ были, коли Вас отпустили и хотя сердце ми засмутили великѣ кривды, еднакож радость была тата причина, котра ми слезы гнала до очей на видѣніе вашоѣ крѣпкоѣ вѣры. Ни ганьбитися ни боятися з вами перед свѣта нам не можно, и зато выпишу и вашое имя: *Іван Микуляк пѣвец, Михайло Ньегре, Юрко Рябец из Торуна, Іван Івашко, Михайло Сирда з Прислопа*. Не то говорю я, же окрем Вас болшѣ гр.-каѳоликов истинных православных в селѣ не есть, бо премноги суть такѣ, но хвалю Вас и перед свѣтом зато, же вы за вшитких слухали и терпѣли тогда. Та лиш навперед! Силнѣйший есть Бог от міліонов „безконфесійных“!...

Копашньово. Доки бохтер — батюшка Кенейз в Чумальоѣ перебывав, инак быв покой в нашем селѣ, лиш у церкви робили смѣхи. Як пришов из Чумальова, зыйшлися шизматики и цѣлый день и ноч держали раду и дорадилися, что попробуютъ еще раз насилу взяти церковь. Рано 18-го марта рушилася одни 200-головна шизматицка товпа с камѣнями, колами кричиочи, лиющи до хижи Гелебановой взяти от нього ключи от церкви. Як Гелебан увидѣв, что бохтер-батюшка иде до хижи ѹточчи, родичи и фамилія лиш дрожали од страху, а Гелеб-

бан выйшов бохтерови на встрѣчу и из самых дверей як го-ден быв так трутив бохтера горѣлиц из $1\frac{1}{2}$ метровой высо-ты у двор. Товпа заревала: „Чтось робив? Обысь знат, что ты сельским слугою трутив!“ На се Гелебан: „Знаю я, коли сельскій слуга має право до моїх хижі ступити!“

Всѣ кричали: Давай ключи! — и почали метати у хижу каменьом и кульом. Гелебан може и стораз одно за другим напоминав их на закон Христов, Божій и людскій; казав им обы ишли за примѣром Сокирницы, Бѣлок, Волового и т. д., де шизматики вже давно будовали собѣ церков. А они все одно кричали: „Давай ключи, аж не даеш, мы розломиме церков“!

Так и робили. Принесли драбину, зайшли через окно у турню и из заду дверѣ розбили и церков пересвятили.

Гелебан зараз заявив цѣлое дѣло жандармеріи и 25 во-ждов до прокураторіи за розлом церкви и за напад на его приватну хижу. Другій ден 15-го греко-каѳоликов пошло до Хуста и протестовали: якій то ряд, что про одного чоловѣка бохтера не може цѣлое село в спокою жити.

Дня 26-го марта ид вечеру пришли жандары до Кенейза и одобрили от него ключи. Як ключи передав, зачав йойкати, ревати по бохтерски; на се збѣглися шизматики с сокирами, желѣзными вилами и кто с чим и напали на жандаров так, что жандары мусѣли назад ключи давати.

Но и шизматики напудилися и боячися, что гр.-каѳолики тоѣ ночи пересвятить церков, зайшли у церков и от того часу с всѣми зброями и до нынѣ там днують и почують рядом и чекают гр.-каѳ. священика убити, як бы ишов пересвятити церков.

Дня 31-го марта пришли жандары с возом, якось выду-рили Кенейза из церкви, вергли 'го на воз и погнали с ним. Шизматики всѣ почали кричати за ним: „Де го берете, де го везете, бийте жандаров и т. д.“ Другій день пошли за ним вы-бранцѣ и принесли го назад.

*

Слава и честь Гелебанови и его вѣрным товаришам за сесю ревность в оборонѣ Христовой вѣры. Молитва наша с вами! Най Бог небесный сохраняе ваше житя и дастъ побѣду нашему святыму дѣлу!

НОВОСТИ.

— **Насильство шизматиков в Дубровцѣ.** Дня 8. IV. 1923. зайшли шизматики села Дубровки в замкнуту гр. кат. церков с батюшкою Лукою Олховым з Заднього и одправили богослуженя. Потому розойшли ся. Гр. Кат. вѣрники заявили се Главнослужновскому уряду в Иршавѣ и окр. жандармской ко-

мандъ. На просьбу гр. кат. священика Ивана Балога, котрому шизматики грозили одобрati гр. кат. церков и фару, была выслана до Дубровки жандармерія, чтобы оборонила против насильного одобрання церков а в припадъ и фару. Церков е тепер замкнута а ключ е у Головнослужновском урядѣ в Иршавѣ. Против шизматиков прокураторія подала карное обжалованя до держ. заступительства в Берегасѣ за вломленія до запертої церкви.

— **Ювилей руського духовнога пастыря в Югославіи.** Далеко од нас на полудневый заход в славянском краю, Югославіи а саме Босніи и Херцеговинѣ живут- також нашъ руськъ братя, котръ из Галичины а також Подк. Руси (з гор) пойшли там шукати кусника вовсяного хлѣба и ложки молока. Сего дня их там е 20.000 душ у многих колоніях и суть гр. каѳоликами. Под церковным оглядом их доглядае Апостольский Администратор о. Алексій Базюк, котрый мае ид помочи только пятьох священников. Колонія е в горах oddalena даже далеко и тому всѣ священники тяжко працујуть и майже цѣлый день ъздятъ од села до села. А найбольше працъ мае сам о. Базюк, котрый журиться о всѣх церковных, горожаньских, школьных и приватных справах своих священников и вѣрных. Он е правдивым одиноким опѣкуном своих дѣточок на далекой чужинѣ. Он тепер 9. апрѣля святковав 25-лѣтній ювилей свого труду и мае вже 50 лѣт. Слава руському духовному пастыреви!

— **Едность и Рим.** Под тым заголовком выдав в Нью-Йорку 1922. книжку (270 ст.) ректор одной епископской (англиканской) церкви доктор богословія Edmund Smith Middleton. Автор разправляє про проблему сполученя церквей. Сеся проблема в Америцѣ дуже актуальна, бо там протестантское христіянство подѣлено е на 200 сект. Супротив такого розсыпаня каѳол. церков поставляє ся як гранитна скала. Из той причины красшъ и сильнѣйшъ души переходять из протестантизму на католицизм. Межи іншими перейшов на каѳол. вѣру протестантскій епископ Kinstman, кто списав свое наверненіе в чудовой книзѣ. Middleton подѣляє той самый погляд. Он в своей книжцѣ дословно каже: „Не може быти правдивої єдности без Риму. Сей факт мусить признати всѣ, котръ стоять на передѣ уніонного руху в Америцѣ. Без содѣйствія Риму старанія про соединенія были бы даремнѣ. бо римскій епископ е патріархом цѣлой церкви, не тому, что он е патріарх западной церкви, а тому, что он е патріархом цѣлого стада Господнього“.

— **Упокоилися.** О. Алексій Иванчо гр. каѳ. духовник-памѣстник, який за 46 роков быв душпастирем села Веряця упокоився дnia 9-го апрѣля о

ротѣ. 70 рочного духовника 11-го апрѣля поховали с великою участію. Широка родина — меже ними сын его: Алексій Иванчо управитель Вел.-Севлюшскої торгової академії —

оплакує. — Панъ Раковцій Ференцова, супруга душпастиря Паладьского 9-го апрѣля в Ужгородской больницѣ умерла. — Кирил Раковскій парох в Березниках упокоився. Погреб одбывся 14-го апрѣля. — Марія Лещишина, донька намѣстника о. Георгія Лещишина 27-го марта в 17-ом роцѣ живота своего умерла в Середньом.

— **Назад в Христову Церков.** Дня 25-го марта была перебрана церков в Улич-Кривѣ от шизматиков. Церков примирив администратор о. Юлій Роговскій и держав проповѣдь. Но шизматики не могли успокоитися а найбільше Ян Чокина выгнаний „клерик“ из Буштины, вернувшись из Буштины принес с собою и шизматицкого батюшку, чтобы он кончив им обряды. — „Обряд“ с тым начинався, же Ян Чокина „клерик“ украв в велику пятницю на большу славу „св. православія“ ключ от церкви от Ивана Галача и коли о. Юлій Роговскій админ. и сотр.

— **Короткѣ вѣсти.** Митрополит Шептицкій мав недавно в папском институтѣ конференцію над основными точками до єдности с Римом. — Число каѳоликов в Австралії в роцѣ 1923 было 10,728.840. — Муссолини заявил, что он не противив бы ся, чтобы правительство передало папѣ територію от Рима до моря. — О. Адолф Яшек секретарь товариства „Апостольства св. Кирила и Меѳодія“ помер в Cleveland в Америцѣ. — Большевицкое правительство разпорядило отстранити знаки христіянства (крест. св. образы) в всѣх публичных мѣстностях.

Уличскій пришов вечерню кончили, батюшка в школѣ агитував. — О. Ю. Роговскій в присутствіи 2 свѣдков вызвав его, чтобы сейчас выйшов из школы гр.-кає. По сему и отворив церковь другим своим ключом и откончив вечерню, а батюшка „яко изчезает дым“ изчезнув с ключом. Ключ на поступок жандаров отдав батюшка аж в Перечинѣ.

— **Побѣда христ. демократичної партії у Словенії.** Югославянска печать единогласно признае велику побѣду христіянской демокр. партіи, котра из загального числа послов Словенії 25, получила 22. На чолѣ сей партіи стоить д-р Корошець.

— **Доклад о примиреніи церквей.** В Загребѣ россійскѣ учень живо занимаются вопросом соединенія церквей. 22-го мин. мѣс. Н. К. Клименко держав доклад о семъ вопросѣ указуючи необходиму потребу соединенія греко-rossijskoy церкви с каѳолическою.

Шептицкій мав недавно в папском институтѣ конференцію над основными точками до єдности с Римом. — Число каѳоликов в Австралії в роцѣ 1923 было 10,728.840. — Муссолини заявил, что он не противив бы ся, чтобы правительство передало папѣ територію от Рима до моря. — О. Адолф Яшек секретарь товариства „Апостольства св. Кирила и Меѳодія“ помер в Cleveland в Америцѣ. — Большевицкое правительство разпорядило отстранити знаки христіянства (крест. св. образы) в всѣх публичных мѣстностях.

ПЕРЕПИСКИ РЕДАКЦІИ.

А. К. Статя ваша в слѣдуючомъ числѣ буде помѣщена.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР:
ЕМИЛІАН БОКШАЙ.